

嘉靖建陽縣志

建陽縣志卷之六下

予嘗取古今題詠固以類附列矣間有



者續載于此亦以俟博雅君子可考而知也若  
武夷則唐書載舊屬本邑而城村舊為建陽故  
城故其詩亦兼采云

四言古風

唐科八詠

瞻彼蘿阜北峙崇尊中藏蟬谷下瞰仙源  
方屏聳漢雲錦雄藩春風扇和秀發靈根

紫薇葱蒨肥茁芳蓀擷之可茹樂育青門久啖深  
味飽德懷恩夷齊何許物理斯存右蘿阜紫薇

蒼蒼王田粼粼白石上接雲蘿東連郊陌密隱雙  
龜光含連壁緬惟前賢聖名赫赫伯雍廬墓孝感  
仙客甯戚飯牛遭時致澤白石匪歌王田可闢載  
耕載耘勗哉無斲右玉田白石○仙巖深窈澗壑  
縈迴拓茨鷄犬梵宇樓臺桃花爛熳猿鶴徘徊牛  
嶺西度露掌中開陰崖松竹紫翠崔嵬鄙藥沿流  
境絕氛埃時聞天籟恍在蓬萊安得王喬乘風歸  
來古仙巖隱籟○御嶂嵯峨浮雲磊落風洞龍湫  
丹崖翠壑梅福曾遊冥樓飛閣巖往來神歸寥  
廓雲兮無心可怡可托放彌宇宙卷藏自若赤日  
炎炎山焦川涸悠然而興茸霖斯作右獅嶂浮雲  
○添名百丈瀑布飛流奔雷激石噴雪凝秋倒掛  
長川散入田疇載眺載詠以寫我憂混混其流不  
舍晝夜遠若銀河自天而下生民仰望力食耕稼  
莊子從遊以樂餘暇右百丈飛流○峯連五老天  
削芙蓉森列秀鬱鬱萬松仙巖幽迥虎壑鳴淙

傍通鳥道下有居農居農伊何樂夫天命雲碓夜  
春酒熟相慶李白廬山讀書希聖此景奚殊正當  
覽詠右五峯列秀○卓彼南山泉巖清潔空翠溟  
濛寒流澄徹瑤草生香松花洒雪結構雲房寔賴  
先哲泉之清兮可濯可飡巖之潔兮可棲可槃前  
有巢父後有謝安何當稅駕共此盤桓右泉巖清  
潔○岿隴素榮青青茂密白雪繁花黃金垂實楚  
頌后皇嘉此貞質深固難徙以保終吉念茲岿隴  
高曠煙霞前芳旣歇後當重華雨露滋培秀實可  
嘉中有仙樂其勝三巴右岿隴素榮王彥貞作

# 滄洲精舍

翠屏蒼蒼源水泱泱於穆哲人于焉修藏  
闢滄洲于林藪導活水於方塘沈潛乎仁

義之府涵沫乎道德之場聖道之淵源由是而滂  
沛後學之流演由是而汪洋撤彼藩籬毀我面墻

月白風清雲影天光荷歟滄洲山高水長蓋與夫  
東魯之洙泗前宋之伊洛雖千百世而同芳李好

作直

詠建溪漁者

為儒士玉東之。○建之溪兮一帶連漪

風月與友兮鷗鷺相隨短棹滄波兮安所之大  
丈夫兮豈終於斯太公志兮知子同歸陳敏作

五言古風

遊廬峰

廬山一何高，上上不可盡。我行獨忘疲，泉石有招引。須臾出蒙塵，矯首眺無畛。已謂極崢嶸，

嶙仰視猶隱。嶙新齋小休憇，餘力更勉黽。東峯切霄漢，首夏正婁紫。杖策同攀躋，極目散幽窘。萬里俯連環，千重瞰孤隼。因知平生懷，未與塵慮泯。歸塗採薇蕨，晚餉雜蔬筍。笑謂同來人，此願天所允。獨往會淹留，寒棲甘菌蠢。山阿子慕予，無憂勒回軫。朱文公作。

將遊雲谷約同行者

躋險擇幽棲，寒蘿結茆莖。疏泉下石渚，挿樹蒲烟谷。時登北源

上一騁千里目，雲物下逶迤。岡巒遠重複，暫辭忽曠歲。再往恨牽俗，因悲昨遊侶。或已在鬼錄，暄風

悟新陽。一雨欣衆綠，明發君莫遲。幽期我當卜，朱

文公作

九月六日早發潭溪夜登雲谷翌日賦此

懷山不能寐中宵命

行軒亭午思畏景薄暮登危巒峻極踰百磴紫紆  
欲千盤行行遂曛黑月落天風寒羽人候中途良  
朋亦林端問我何所迫而嘗茲險艱疲勞旣云極  
飢渴不能言投裝卧中丘幸此一空寬怒號竟未  
夕落枕無時安旦起開幽戶竹樹青檀樂驚喜非  
昔覩披尋得新觀淹留十日期俯仰有餘歡寄語  
後來子勿辭行路難朱文公作

過武夷作

弄舟綠碧澗樓集靈峰阿夏木紛已成流泉注驚波雲闕起蒼茫高城鬱差我脊言

羽衣子俛仰日婆娑不學飛仙術纍纍丘冢多朱文公作

題文公故居

當年常齋翁曾愛此山水卜居繼先志世比道德里吳守扁已傾遺構孰經始

文運無終窮百聖  
端可俟高道疑作

### 題滄洲精舍

我觀前輩人作事皆典則堂室雖云卑  
古制端不易當年小神龕奉主虔祀秩

誰知正學行頌作  
天下式熊禾作

### 題御史故宅

九朝名御史此邦有其二巖巖蘆峯石  
乃毓此英瑞豈無丞相坊轍去誰敢議

泮宮燈一龕百世  
永無替熊禾作

### 題望考亭名

世間幾亭扁何此獨不朽情知任理人  
名義闕宇宙我聞唐端公祭享此云構

曠世有相感懷故  
常齋叟熊禾作

### 題龍洲社壇

不生乾淳世空羨乾淳人龍洲遠水中  
衣冠集比鄰一寄耦耕與亦御田祖神



傍花隨柳去拍拍  
皆陽春厲一鷗作

題宅邊古井

平生汲古心恨無千尺綆雅聞雲谷下  
冽泉有井井吾道浚淵源今古知不泯

蒙養作聖功玩得  
易深省前人作

題祠前古栢

先生孔明心老栢對封植亭亭霜雪中  
奉色猶可挹神功或先化孤榦遺舊迹

從來魯國中儒服  
惟有一前人作

題御史樓址

四書動宸旒手劄已不一高樓  
財天末虹光照奎壁李廷玉作

題聚星圖贊

新亭猶想舊儀刑為愛年時聚德星今日  
但存圖與贊眼前還似見斯亭劉昌祖作

題環峰書院

武夷九曲水流出三神山考亭得勉齋  
壁立孔門顏信齋繼其志經禮賴以完

六經復其一百世  
功不刊勿軒作

送勿軒居鰲峰

我未識退齋虛生七十載  
一旦遇諸途未語心先拜  
堂堂眉睫間禮樂見

三代正途日以荒  
良心日以壞  
天不產斯文  
吾道將疇賴  
林若存作

題鰲峰書院

書院新鰲峰五賢祠  
學宮馬邵獨避席  
將無道不同專  
專論的派此理誰當窮

獨學無師發前儒議  
温公準繩規矩內  
安得鞭霆風林若存作

西山先生詩

獨抱韋編過客稀  
簞瓢不厭屢空時  
幽然自與庖羲近  
春去人間總不知  
○數

椽茅屋寒流水布被  
藜羹飽暖餘不向利中生計  
較肯爲名上着工夫  
窓前野馬閑來徃天際浮雲  
任卷舒用舍行藏安所  
遇不妨隨分老樵漁

節齋先生詩

屈指樞衣四十年自憐鬢鬢已皤然久  
知軒冕應無分但覺溪山若有緣下學

工夫慚未到先天事業敢輕傳  
抵今已飽烟霞疾更乞清溪着釣船

復齋先生詩

人生何事最爲親不看春容不識真  
岸柳細搖多意思野花初破足精神

識後施爲別意思到時言語新  
爲報同門須急賞莫教春去始傷春

樓上從容曉日明春風隨意  
動郊垌定知有象根冲漠未信至精惟杳冥萬化  
淳時春藹藹一元亨處兩零零忘言共倚欄杆曲

綠蒲周原  
水蒲汀

九峯先生詩

世事多顛倒惟仁實可依  
幾多豪富貴少不草萊歸孺子宅猶在令公園已非

躊躇不能去端恐寸心違  
四曲遊人款乃歌舊磯  
千古老漁簑題詩巖下人來徃春兩年年長綠莎

素軒先生詩

富貴良非願林泉畢此生酒因隨量飲詩或偶然成秋水和煙釣春田帶雨耕

頽然無縫塔且不費經營

覺軒先生詩

絕壑藤蘿貯翠煙水聲咄咄亂峯前詩人但說青山好腸斷雲間雙髻仙

靜軒先生詩

故居薦山東十載去不還故人廬峯北一念長周旋風波既渺藐歲月空推延

園地益新好亭館故依然憶昔紫陽翁亂醉春風前登覽意有會攜提筆如椽銀鈎與鐵畫燦爛凝蜿蜒至今雕梁上日夕生雲烟觸事多遠思撫景良獨妍秀色可覽結嵐光渺無邊斯文與斯亭千古垂

不刊

挽蔡西山先生詩

鶻叫春林復遶詩鴈回霜月忽傳悲蘭枯蕙死迷三楚雨暗雲昏礙

九疑往歲力辭公府檄莫年名預黨人碑嗚呼季子延陵墓不待鐫詞行可知趙昌甫作。四海朱

夫子微君獨典刑青雲伯夷傳白首太玄經有客憐孤憤無人問獨醒瑤琴空寶匣絃斷不堪聽曾

景建作。有名天所靳無位世仍擠不得西山臥還同濂水樓元精抽秘鑰衆妙貫圓機友盡人間

士歸然季子題李閔祖作。念昔樞衣日寧知輩行殊公才驚宇宙我學困蟲魚紀曆深皇極談兵

淺律書傷心濂水別有感更誰祛劉礪作。傷哉道學不容時力抵先生蹈至危槐棘僉謀雖曰偽

草茅公論實難欺蒼梧千里地雖遠白首一心天自知借問西山近何似白雲長護紫陽碑翁陞作

### 題廬峯書院傳心堂

言湮聖遠幾千年道妙伊誰探不傳雲谷以還師友少西山之

後子孫賢講明無極而太極推闡先天與後天一綫斯文今有主傳心堂內近寒泉翁丹山作

賦雙溪閣

雄觀今古快幽情  
突兀層樓出市甍  
二水交流何處盡  
孤舟不見亂山橫  
丹爐寂寞

仙遊遠  
劒氣蕭條  
客恨盈向晚  
移樽話流落  
可堪時聽鼓鞞聲

過東陽

小箔鳴機幾萬家  
時清猶想舊繁華  
樓臺夜映雙溪月  
簫鼓春迷後坂花  
回首十年真夢

寐停驂  
四顧但風沙  
却過蕭寺無人語  
獨對枯林數暝鴉

題蓋竹廟

雙猿嘯月寒巖幽  
陳侯故家官渡頭  
陰陰老木旆旌暗  
渺渺驚灘雲霧流  
九旒已荷

本朝渥三鴈  
更忻同日侯  
我來瞻拜想遺直  
嘆息此道今悠悠  
俱劉屏山作

世道今波瀾其間異山嶺

本陣營云國與世同日與非來轉計然復直與以

賦蓋不願子才朝至留學司漢理雲霧流上家上尚

火其也

辨明參四國出風七味便權字無入張樹排計林

尚東則大變美下蕭次者多美又其可百十千其

有德文苑

山遊表殿屋蕭猶零州盜向解避機活孟予下

願親文閣多承下或歸

七言古風

乙未寒泉懷古

東萊先生雅好古當年尚友朱夫子  
浙水渺渺閩山重躡孺千里來相從

屏山山水得佳趣携書更入寒泉去茫茫學海無  
涯津泗沂闊遠知何處淵源濶洛猶可尋誰能步  
淺航其深十四卷書非草草精意微言日星杲書  
成晤語不忍散氣變倏駭風露早主人留客客不  
安送君還次武夷山神呼風揭浮翳千涯露泣秋  
空寒前行曲曲有佳致平林一境尤清閎出山俗  
事紛相尋誅茅有意何時成回舟刻石紀歲月恐  
使風標坐理沒尋常送客止閑頭慙懃更至驚胡  
別峩峩二山來從西衣冠嚴整風骨奇天資向上  
自超卓直指傳註為支離百聖千賢皆學問上達  
工夫須自近古今正學何可磨徒惜高賢有遺恨  
東都許下晉山陰雖有聚合無講明迷途孰與迪



明見近思錄與太極辨湖山人散今幾年六十甲  
子重周天遺編寥落集蟲蠹舊迹埋没生荒煙窮  
鄉晚進重慨感豈必書  
在心無傳暨深道作

# 鰲峯書堂舍萊禮成

鰲峯峯前子熊子舉目乾坤淚  
如水百年學絕白日飛要作山

中古鄉遂相看雲谷青不了手決流泉挹清泚古  
心古貌古衣冠晨夕四書與三禮偶然乘桴海天  
去亦欲觀風從魯始歸來族里喜相迎急教舊書  
尋墜祀聖師在上誠洋洋衆職遂能各循理疾雷  
驅雨鳴蒼屏夜半青山塵一洗禮成少長各相慶  
紅燭燒殘生且氣愧予分歎何所堪持此敬心良  
未已世教不明師道缺萬里狂瀾誰柱砥先生憂  
世心更苦神氣丰腴貌枯頽文公平生亦多逆四  
海道行今不死吾愛此鄉人尚淳文獻餘風易為  
起天遺高標示準則豈但善良薰晉鄙村南曉發